



Na osnovu čl. 69. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04) i Odluke o dodjeli sredstava za sufinansiranje troškova odlaska na ekskurziju učenika završnih razreda osnovnih i srednjih škola broj: 13-11-2365/24 od 27.3.2024. godine, Općinski načelnik upućuje

JAVNI POZIV

za dodjelu sredstava sufinansiranja troškova ekskurzije učenika završnih razreda osnovnih i srednjih škola

1. PRAVO NA PODRŠKU:

Mogu ostvariti učenici završnih razreda osnovnih i srednjih škola koji redovno pohađaju školu i koji ispunjavaju slijedeće uslove:

- da imaju prebivalište na području općine Centar Sarajevo;
- da ukupna primanja domaćinstva ne prelaze iznos od 2.000,00 KM (sa svim obustavama).

Bez obzira na ukupna primanja domaćinstva, pravo na podršku ostvarite će učenici:

- bez oba roditelja,
- koji žive u porodicama sa troje i više djece,
- koji žive u porodicama gdje dvoje ili više djece idu na ekskurziju u tekućoj školskoj godini (učenici završnih razreda)

2. NAČIN DODJELE NOVČANIH SREDSTAVA

Sredstva za sufinansiranje troškova ekskurzije dodjeljivati će se na osnovu podnesenih zahtjeva i iznositi će:

- do 250,00 KM za učenike završnih razreda osnovne škole;
- do 500,00 KM za učenike završnih razreda srednjih škola.

Ukoliko su troškovi ekskurzije manji od navedenih iznosa, Općina će finansirati iznos stvarnih troškova. Sredstva će se uplatiti na račun agencije koja je izabrana od strane obrazovne ustanove.

3. POTREBNA DOKUMENTACIJA

Podnosioci zahtjeva obavezni su uz prijavu dostaviti slijedeće dokumente (original ili ovjerene kopije):

- CIPS prijava o mjestu prebivališta za učenika;
- potvrda škole o redovnom školovanju učenika/kandidata sa podacima o izabranoj turističkoj agenciji, ukupnoj cijeni aranžmana po učeniku, sa navedenim brojem transakcijskog računa agencije;
- kućnu listu;
- dokaze o primanjima odnosno školovanju članova domaćinstva navedenih u kućnoj listi;
- izvod iz matične knjige umrlih za roditelje (za kandidate bez oba roditelja);

- f) dokaz da dvoje ili više djece ide na ekskurziju (za kandidate koji po tom osnovu ostvaruju pravo)

Općina neće finansirati zahtjeve koji su podneseni nakon realizacije ekskurzije.

Zahtjev sa dokumentacijom podnosi se Službi za obrazovanje, društvene djelatnosti, kulturu i sport – Odsjek za obrazovanje i društvene djelatnosti putem pošte ili na protokol Općine Centar Sarajevo ulica Mis Irbina 1.

Za sve dodatne informacije zainteresovana lica mogu pozvati broj telefona 033/562-393.

Javni poziv će biti otvoren tokom cijele 2024. godine, odnosno do utroška sredstava za ovu namjenu.